

**BOSNA I HERCEGOVINA**

*Konkurencijsko vijeće*



**БОСНА И ХЕРЦЕГОВИНА**

*Конкуренијски савјет*

**RJEŠENJE**

**Prijava koncentracije privrednih subjekata**

**Oktal Pharma proizvodnja, trgovina i usluge d.o.o. Zagreb i Velfarm d.o.o. društva za promet  
i proizvodnju Gračanica**

**Sarajevo,  
oktobar 2012. godine**



Broj: 04-26-1-10- 8 -II/12  
Sarajevo, 30.10.2012. godine

Na osnovu člana 25. stav (1) tačka e) i člana 42. stav (1) tačka d), a u vezi sa članovima 12., 14., 16., 17. i 18. Zakona o konkurenciji («Službeni glasnik BiH», br. 48/05, 76/07 i 80/09), rješavajući po Prijavi koncentracije podnesenoj od strane privrednog subjekta Oktal Pharma d.o.o. društvo za proizvodnju, trgovinu i usluge, Utinjska 40, Zagreb, Republika Hrvatska, kojeg zastupaju advokati Sead Miljković i Dina Duraković Morankić, Zmaja od Bosne 7, 71000 Sarajevo, Bosna i Hercegovina, Konkurencijsko vijeće Bosne i Hercegovine, na 44. (četrdesetčetvrtoj) sjednici održanoj dana 30.10.2012. godine, donijelo je

### **R J E Š E N J E**

1. Ocjenjuje se dopuštenom koncentracija na tržištu veleprodaje farmaceutskih proizvoda, lijekova i medicinskih proizvoda na teritoriji Bosne i Hercegovine, koja će nastati stjecanjem kontrole privrednog subjekta Oktal Pharma d.o.o. društvo za proizvodnju, trgovinu i usluge, Utinjska 40, Zagreb, Republika Hrvatska nad privrednim subjektom Velfarm d.o.o. društva za promet i proizvodnju Gračanica, Zlatnih ljiljana 77, Gračanica, Bosna i Hercegovina, kupovinom najmanje <sup>1</sup>(..)\*% s mogućnošću do (..)\*% vlasničkih udjela u ukupnom osnovnom kapitalu privrednog subjekta Velfarm d.o.o. društva za promet i proizvodnju Gračanica, Zlatnih ljiljana 77, Gračanica, Bosna i Hercegovina.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko distrikta Bosne i Hercegovine.

### **O b r a z l o ž e n j e**

Konkurencijsko vijeće je dana 23.08.2012. godine pod brojem: 04-26-1-10-II/12, od strane privrednog subjekta Oktal Pharma d.o.o. društvo za proizvodnju, trgovinu i usluge, Utinjska 40, Zagreb, Republika Hrvatska (u daljem tekstu: Podnosilac prijave ili Oktal Pharma Zagreb) kojeg zastupaju advokati Sead Miljković i Dina Duraković Morankić, Zmaja od Bosne 7, 71000 Sarajevo, Bosna i Hercegovina (specijalna punomoć izdata od strane privrednog subjekta Oktal Pharma Zagreb, dana 21.05.2012. godine), zaprimilo Prijavu koncentracije privrednih subjekata Oktal Pharma Zagreb i Velfarm d.o.o. društva za promet i proizvodnju Gračanica, Zlatnih ljiljana 77, Gračanica, Bosna i Hercegovina (u daljem tekstu: Velfarm), kojom privredni subjekt Oktal Pharma Zagreb ima namjeru steći, najmanje (..)\*% s mogućnošću do (..)\*%, udjela u ukupnom osnovnom kapitalu privrednog subjekta Velfarm, smislu člana 12. stav (1) tačka b) Zakona o konkurenciji („Službeni glasnik BiH”, br. 48/05, 76/07 i 80/09) (u daljem tekstu: Zakon).

---

<sup>1</sup> (..)\*- Podaci predstavljaju poslovnu tajnu

Uvidom u podnesenu Prijavu Konkurencijsko vijeće je utvrdilo da ista nije kompletna, u smislu člana 30. stav (1) Zakona, i čl. 9. i 11. Odluke o načinu podnošenja prijave i kriterijima za ocjenu koncentracije privrednih subjekta («Službeni glasnik BiH», broj 34/10), te je zatražilo dopunu iste u skladu sa članom 31. Zakona, aktom broj: 04-26-1-10-2-II/12 od dana 19.9.2012. godine.

Podnosilac prijave je dostavio traženu dokumentaciju dana 25.9.2012. godine, podneskom broj: 04-26-1-10-3-II/12.

Nakon kompletiranja Prijave Konkurencijsko vijeće je, u skladu sa članom 30. stav (3) Zakona, izdalo Potvrdu o prijemu kompletne i uredne Prijave, broj: 04-26-1-10-4 -II/12 dana 03.10.2012. godine.

Podnosilac prijave, u skladu sa članom 30. stav (2) Zakona, je naveo da zahtjev za ocjenu koncentracije nije podnio niti ima namjeru podnijeti nadležnim tijelima za zaštitu tržišne konkurencije izvan teritorije Bosne i Hercegovine.

Konkurencijsko vijeće je, u skladu s članom 16. stav (4) Zakona, izdalo Obavještenje o dostavljenoj Prijavi broj: 04-26-1-10-7-II/12 od dana 03.10.2012. godine, koje je u u dnevnoj štampi objavljeno dana 05.10.2012. godine, i pozvalo sve zainteresovane strane na dostavljanje pisanih komentara o namjeravanoj koncentraciji. Na predmetno Obavještenje nisu dostavljeni komentari zainteresiranih strana.

Uvidom u podnesenu Prijavu, Konkurencijsko vijeće je utvrdilo da je ista podnesena u zakonskom roku, u skladu s članom 16. stav (1) Zakona.

Konkurencijsko vijeće je u postupku ocjene predmetne koncentracije utvrdilo slijedeće činjenice:

### 1. Učesnici predmetne koncentracije

Učesnici koncentracije su privredni subjekti Oktal Pharma d.o.o. društvo za proizvodnju, trgovinu i usluge d.o.o., Utinjska 40, Zagreb, Republika Hrvatska i Velfarm d.o.o. društvo za promet i proizvodnju Gračanica, Zlatnih ljljana 77, Gračanica, Bosna i Hercegovina.

#### 1.1. Privredni subjekt Oktal Pharma Zagreb

Privredni subjekt Oktal Pharma Zagreb upisan je u sudski registar Trgovačkog suda u Zagrebu pod registarskim brojem: 080025214, sa osnovnim kapitalom od <sup>2</sup>(..)\* kuna, odnosno (..)\* KM (srednji kurs Centralne banke Bosne i Hercegovine na dan 16.10.2012. godine).

Privredni subjekt Oktal Pharma Zagreb je u vlasništvu slijedećih pravnih i fizičkih lica:

Tabela 1.

Red.br.	Naziv	Adresa	Vlasnički udio (%)
1.	(..)*	(..)*	(..)*
2.	(..)*	(..)*	(..)*
3.	(..)*	(..)*	(..)*
4.	(..)*	(..)*	(..)*
5.	(..)*	(..)*	(..)*
	<b>UKUPNO</b>		<b>100,00</b>

Izvor: Podaci iz Prijave

<sup>2</sup> (..)\*- Podaci predtavljaaju poslovnu tajnu

Pretežne registrovane djelatnosti privrednog subjekta Oktal Pharma Zagreb su veleprodaja farmaceutskih proizvoda, lijekova i medicinskih proizvoda.

### 1.1.1. Povezana društva privrednog subjekta Oktal Pharma Zagreb u Bosni i Hercegovini

Privredni subjekt Oktal Pharma d.o.o. društvo za proizvodnju, trgovinu i usluge, Utinjska 40, Zagreb, Republika Hrvatska posluje uglavnom u Republici Hrvatskoj, dok je na tržištu Bosne i Hercegovine prisutan putem jednog povezanog društva i to privrednog društva za trgovinu i usluge Oktal Pharma d.o.o. Sarajevo, Pijačna ulica br. 14 A, 71 000 Sarajevo, Bosna i Hercegovina ( u daljem tekstu: Oktal Pharma Sarajevo) .

#### 1.1.1.1. Privredni subjekt Oktal Pharma Sarajevo

Privredni subjekt Oktal Pharma Sarajevo je registrovan u Općinskom sudu u Sarajevu pod brojem: 1-23722 i u <sup>3</sup>(..)\*% je vlasništvu privrednog subjekta Oktal Pharma Zagreb, sa upisanim osnovnim kapitalom od (..)\* KM.

Pretežne registrovane djelatnosti privrednog subjekta Oktal Pharma Sarajevo su veleprodaja farmaceutskih proizvoda.

### 1.2. Privredni subjekt Velfarm

Privredni subjekt Velfarm upisan je u registar privrednih subjekata Općinskog suda u Tuzli pod brojem: 1-8590, sa osnovnim kapitalom od (..)\* KM.

Vlasnička struktura privrednog subjekta Velfarm na dan 28.3.2012. godine bila je slijedeća:

Tabela 2.

Red.br.	Naziv	Adresa	Vlasnički udio (%)
1.	Hasić Teufik	Zlatnih ljiljana bb, Gračanica	(..)*
2.	Delić Besir	Hajdarevac bb, Gračanica	(..)*
3.	Zahirović Čamil	Hajdarevac br. 2, Gračanica	(..)*
4.	Bukvić Miralem	Kotoruša 2, Gračanica	(..)*
5.	Mehinović Jasmin	Velika Brijesnica bb, Doboj I.	(..)*
6.	Humić Midhad	Ozrenska 2, Doboj	(..)*
	<b>UKUPNO</b>		<b>100,00</b>

Izvor: Podaci iz Prijave

Pretežne registrovane djelatnosti privrednog subjekta Velfarm su veleprodaja farmaceutskih proizvoda, lijekova i medicinskih proizvoda.

<sup>3</sup> (..)\*- Podaci predstavljaju poslovnu tajnu

### 1.2.1. Povezana društva privrednog subjekta Velfarm u Bosni i Hercegovini

Povezani privredni subjekt, privrednog subjekta Velfarm d.o.o. društva za promet i proizvodnju Gračanica, Zlatnih ljiljana 77, Gračanica, Bosna i Hercegovina je privredni subjekt Terme d.o.o. društvo za proizvodnju, promet i usluge, Polje bb, Gračanica, Bosna i Hercegovina ( u daljem tekstu: Terme).

#### 1.2.1.1. Privredni subjekt Terme

Privredni subjekt Terme upisan je u Općinskom sudu u Tuzli pod brojem: 1-13, sa uplaćenim osnovnim kapitalom od <sup>4</sup>(..)\* KM.

Vlasnička struktura privrednog subjekta Terme na dan 23.8.2012. godine bila je slijedeća:

Tabela 3.

Red.br.	Naziv	Adresa	Vlasnički udio (%)
1.	Hasić Teufik	Zlatnih ljiljana bb, Gračanica	(..)*
2.	Delić Besir	Hajdarevac bb, Gračanica	(..)*
3.	Zahirović Čamil	Hajdarevac br. 2, Gračanica	(..)*
4.	Bukvić Miralem	Kotoruša 2, Gračanica	(..)*
5.	Humić Midhad	Ozrenska 2, Doboj	(..)*
6.	Terme	Polje bb, Gračanica	(..)*
	<b>UKUPNO</b>		<b>100,00</b>

Izvor: Podaci iz Prijave

Pretežne registrovane djelatnosti privrednog subjekta Terme su eksploatacija termalno-mineralnih voda i isti nije predmet navedene koncentracije.

## 2. Obaveza prijave koncentracije

Obveza prijave koncentracije privrednih subjekata, u smislu člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekata učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM, ili ako je zajedničko tržišno učešće učesnika koncentracije na relevantnom tržištu veće od 40,0%.

Ukupni ostvareni godišnji prihodi privrednih subjekata učesnika predmetne koncentracije i njihovih povezanih privrednih subjekata, na dan 31.12.2011. godine iznosili su:

<sup>4</sup> (..)\*- Podaci predstavljaju poslovnu tajnu

Tabela 4.

Ukupni prihod (KM)	Oktal Pharma Zagreb	Velfarm	Oktal Pharma Sarajevo
Bosna i Hercegovina	-	<sup>5</sup> (..)*	(..)*
Svijet	(..)*	-	(..)*

Izvor: Podaci iz Prijave

Prema podacima navedenim u Prijavi, privredni subjekti, učesnici koncentracije, ispunjavaju uslov obaveze prijave koncentracije u pogledu ostvarenog zajedničkog ukupnog godišnjeg prihoda u smislu člana 14. stav (1) Zakona.

### 3. Pravni okvir ocjene koncentracije

Konkurencijsko vijeće je u provođenju postupka ocjene predmetne koncentracije primjenilo odredbe Zakona, Odluke o načinu podnošenja prijave i kriterijima za ocjenu koncentracije privrednih subjekta („Službeni glasnik BiH“, broj 34/10) i Odluke o utvrđivanju relevantnog tržišta «Službeni glasnik BiH», br. 18/06 i 34/10) i Odluke o definisanju kategorija dominantnog položaja «Službeni glasnik BiH», br. 18/06 i 34/10).

Konkurencijsko vijeće je, na osnovu člana 43. stav (7) Zakona, koristilo sudsku praksu Evropskog suda i odluke Evropske komisije, kao i kriterije i standarde iz Obavijesti Evropske Komisije o izračunu ukupnog prihoda u skladu s Uredbom Vijeća (EEZ) broj: 4064/89 o kontroli koncentracije privrednih subjekta.

### 4. Pravni osnov i oblik koncentracije

Kao pravni osnov predmetne koncentracije Podnosilac prijave je dostavio „Ugovor o kupoprodaji“ (u daljem tekstu: Ugovor), koji je zaključen dana 17.8.2012. godine između privrednih subjekata Oktal Pharma Zagreb i Velfarm, kojim privredni subjekt Oktal Pharma Zagreb namjerava steći najmanje (..)\*% s mogućnošću stjecanja do (..)\*% udjela u ukupnom osnovnom kapitalu privrednog subjekta Velfarm.

Privredni subjekt Velfarm je trenutačno u (..)\*% vlasništvu šest fizičkih lica, državljana Bosne i Hercegovine (Tabela 2.). U skladu sa Ugovorom kojeg su potpisali privredni subjekt Oktal Pharma Zagreb kao kupac dana 10.8.2012. godine i Teufik Hasić, Miralem Bukvić, Besir Delić, Jasmin Mehinović, Čamil Zahirović i Midhat Humić kao prodavci dana 17.8.2012. godine, privredni subjekt Oktal Pharma Zagreb namjerava steći, nakon ispunjenja svih preduvjeta, najmanje (..)\*% s mogućnošću stjecanja do (..)\*% udjela u osnovnom kapitalu privrednog subjekta Velfarm.

Nakon provedbe transakcije i pod uslovom da privredni subjekt Oktal Pharma Zagreb stekne samo (..)\*% udjela, četiri od šest prodavaca ostaju članovi društva privrednog subjekta Velfarm s manjinskim vlasništvom.

Također, u skladu sa Ugovorom, prodavci udjela u privrednom subjektu Velfarm su dali privrednom subjektu Oktal Pharma Zagreb opciju na kupnju preostalih udjela u privrednom subjektu Velfarm koja se može iskoristiti tokom garantnog roka, a koju privredni subjekt Oktal Pharma Zagreb ima pravo iskoristiti ukoliko pretrpi gubitak zbog povrede neke od garancija ili neke

<sup>5</sup> (..)\*- Podaci predstavljaju poslovnu tajnu

druge obaveze koja se ne može namiriti iz iznosa koji privredni subjekt Oktal Pharma Zagreb čuva kao garancijski fond.

U skladu sa naprijed navedenim, a na osnovu člana 12. stav (1) tačka b) pod (1) Zakona, pravni oblik koncentracije je sticanje kontrole ili preovladavajućeg uticaja jednog ili više privrednih subjekata nad drugim privrednim subjektom, ili dijelovima drugih privrednih subjekata, i to sticanjem većine udjela u osnovnom kapitalu, u smislu odredbi Zakona.

## **5. Relevantno tržište koncentracije**

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu, relevantno tržište obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Uzimajući u obzir pretežne registrovane djelatnosti učesnika koncentracije, relevantno tržište proizvoda i/ili usluga u konkretnom slučaju je tržište veleprodaje farmaceutskih proizvoda, lijekova i medicinskih proizvoda.

Uzimajući u obzir da učesnici koncentracije djeluju na cijeloj teritoriji Bosne i Hercegovine, odnosno da distribuiraju svoje proizvode na tržištu Bosne i Hercegovine putem distributivne mreže, relevantnim tržištem u geografskom smislu smatrat će se tržište Bosne i Hercegovine.

Slijedom navedenog, pod relevantnim tržištem predmetne koncentracije smatrat će se tržište veleprodaje farmaceutskih proizvoda, lijekova i medicinskih proizvoda na teritoriji Bosne i Hercegovine.

## **6. Analiza relevantnog tržišta koncentracije**

U Prijavi se navodi da ne postoje zvanični podaci o tržišnim udjelima različitih veletrogovaca farmaceutskim proizvodima u Bosni i Hercegovini za 2011. godinu, ali da je u junu 2012. godine, Agencija za lijekove i medicinska sredstva Bosne i Hercegovine izdala izvještaj o prometu lijekova koji imaju dozvolu za promet u Bosni i Hercegovini u 2011. godini. Izvještaj je temeljen na podacima koji su dobijeni od registriranih veletrogovaca u Bosni i Hercegovini i domaćih proizvođača i predstavlja analizu dvije vrste informacija: podatke o realiziranom uvozu lijekova inostranih proizvođača u BiH i podatke o prometu lijekova domaćih proizvođača.

Tabela 5.

<b>Tržište u BiH</b>	<b>KM</b>	<b>%</b>
Promet domaćih proizvođača	87.011.611,01	17,00
Realizovani uvoz lijekova inostranih proizvođača	424.842.994,77	83,00
<b>UKUPNO</b>	<b>511.854.605,78</b>	<b>100,00%</b>

Izvor: Podaci iz Prijave (Izveštaj Agencije za lijekove i medicinska sredstva Bosne i Hercegovine)

U skladu sa Izveštajem, tržište gotovih lijekova u Bosni i Hercegovini (domaćih i stranih proizvođača) iznosilo je oko 512 miliona KM u 2011. godini. Podnosilac prijave navodi da ovi podaci podrazumijevaju samo gotove lijekove i ne uzimaju u obzir druge proizvode koji se prodaju u apotekama, kao što su medicinska sredstva, dijetetski proizvodi, kozmetika, kozmetika s posebnom namjenom i dezinficijensi. Kako bi se ustanovio iznos prodaje svih proizvoda na relevantnom tržištu u 2011. godini, Podnosilac prijave pretpostavlja da oko 10% ukupne prodaje u apotekama dolazi od proizvoda koji nisu registrirani kao gotovi lijekovi, tako da bi ukupna prodaja na tržištu veleprodaje farmaceutskih proizvoda u Bosni i Hercegovini bila oko 563 miliona KM (512 miliona KM gotovih lijekova i oko 51 miliona KM drugih proizvoda, tj. medicinske opreme, dijetetskih proizvoda, kozmetike, kozmetike s posebnom namjenom i dezinficijensa), a u skladu s tim tržišni udjeli učesnika koncentracije bi bili sljedeći:

Tabela 6.

<b>Red.br.</b>	<b>Privredni subjekt</b>	<b>Prihod (KM)</b>	<b>Tržišni udio (%)</b>
<b>1.</b>	Velfarm	<sup>6</sup> (..)*	(..)*
<b>2.</b>	Oktal Pharma Sarajevo	(..)*	(..)*
<b>3.</b>	Ostali	(..)*	(..)*
	<b>Ukupno</b>	563.000.000,00	100,00
	<b>Ukupno (1+2)</b>	(..)*	(..)*

Izvor: Podaci iz Prijave

Na osnovu analize podataka, nakon sprovođenja koncentracije, zajednički udio privrednih subjekata Velfarm i Oktal Pharma Zagreb koje na relevantnom tržištu Bosne i Hercegovine posluje putem povezanog društva Oktal Pharma Sarajevo iznosio bi oko (..)\*%.

## 7. Ocjena koncentracije

Konkurencijsko vijeće analizom relevantnih podataka, u smislu člana 17. Zakona, je ocijenilo da će se provođenjem predmetne koncentracije povećati tržišni udio na relevantnom tržištu veleprodaje farmaceutskih proizvoda, lijekova i medicinskih proizvoda, ali neće doći do stvaranja i jačanja dominantnog položaja.

Konkurencijsko vijeće je prilikom donošenja konačne odluke uzelo u obzir i ulaganja Podnosioca prijave u uspostavljanju normi kvaliteta po standardima ISO 9001:2002 i ISO 14001:2004 koje će rezultirati unapređenjem poslovnih procesa, metoda i uslova rada.

Koncentracija će donijeti neposredne pogodnosti i za korisnike proizvoda (krajnje potrošače):

<sup>6</sup> (..)\*- Podaci predstavljaju poslovnu tajnu



- ekonomičniju i efikasniju prodaju i distribuciju, čime će se smanjiti troškovi distribucije i povećati dostupnost svih proizvoda na relevantnom tržištu;
- povećanje palete proizvoda što će povećati mogućnost izbora proizvoda i usluga za potrošača;
- stabilnost u ponudi, odnosno neometano snadbijevanje potrošača željenim proizvodima;
- poboljšanje kvaliteta usluga ostvareno kroz uvođenje međunarodnih i kompanijskih standarda poslovanja;

Konkurencijsko vijeće je takođe ocijenilo da na relevantnom tržištu ne postoje pravne/ administrativne barijere za ulazak na tržište, tako da učesnici koncentracije ni nakon provođenja koncentracije ne bi mogli u značajnoj mjeri ponašati se neovisno od stvarnih ili potencijalnih konkurenata.

Slijedom navedenog, Konkurencijsko vijeće je ocijenilo dopuštenom predmetnu koncentraciju, u smislu člana 18. stav (2) tačka a) Zakona.

#### **8. Administrativna taksa**

Podnosilac prijave na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», br. 30/06 i 18/11) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

#### **9. Pouka o pravnom lijeku**

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Rješenja.

**Predsjednica**  
**Gordana Živković**